

## SUID-AFRIKAANSE TYDSKRIF VIR KULTUURGESKIEDENIS

### VOORSKRIFTE AAN OUTEURS

**Bladsyfooie:** Outeurs sal 'n gratis kopie ontvang van die uitgawe waarin hulle artikel gepubliseer is. Aangesien die *SATKG* 'n geakkrediteerde tydskrif is, kan die koste verbonde aan die plasing van 'n artikel van die verdienste op navorsingsuitsette herwin word. Outeurs in die diens van Suid-Afrikaanse Universiteite of ander nasionale tersiêre instellings moet hulle eie instellings nader vir die subsidiëring van hulle bladsyfooie vir artikels. Daar word nie van outeurs verwag om persoonlik vir die plasing van hulle artikels te betaal nie. Bladsyfooie beloop R370,00 per bladsy vir swart-en-wit- en R400,00 per bladsy vir kleurdrukwerk.

#### Indiening van manuskripte:

- Manuskripte moet in 1,5 spasiëring getik word in Times New Roman, 12-punt skrifgrootte.
- Die finale manuskrip moet taalversorg wees. Skrywers moet skriftelik bewys lewer dat die artikel deur 'n erkende taalversorger geredigeer is.
- Bydraes word beperk tussen 4 000 en 8 000 woorde.
- Die bydrae moet vergesel gaan van 'n opsomming van 150–250 woorde in Afrikaans, plus 'n opsomming van 600–800 woorde in Engels. Die Engelse opsomming word begin met die vertaling van die titel indien die artikel in Afrikaans geskryf is.
- Outeurs moet 'n lys van 8 tot 10 trefwoorde in Afrikaans en Engels aanbied net na die opsommings.
- Illustrasies of tekeninge moet van hoë kwaliteit wees en van toepaslike onderskrifte voorsien word en moet ten opsigte van grootte rekening hou met die formaat van die Tydskrif.

**Indien van oorspronklike manuskripte en navrae:** Die Redakteur: [editor.sajch@outlook.com](mailto:editor.sajch@outlook.com)

**Kopiereg:** Outeurs is verantwoordelik vir die verkryging van die kopiereg en reproduksieregte op alle figure. Kopiereg van alle materiaal gepubliseer in die Tydskrif berus by die *Suid-Afrikaanse Tydskrif vir Kultuurgeskiedenis*.

#### Titelblad:

**HOOFOPSKRIF:** Moet kort wees (nie langer as 15 woorde nie), verskyn in hoofletters en is vetgedruk; daar is 'n spatie tussen die hoofskrif en die teks.

Outeur: Naam (name) van outeur(s).

Adres: Naam en departement van die instansie waaraan die outeur verbonde is en die outeur se e-posadres.

**Subopskrifte** is in kleinletters en vetgedruk; daar is 'n spatie tussen die opskrif en die teks.

Daar is geen punte na opskrifte nie.

**Figure:** Plaas dit in die korrekte posisie binne die teks.

Alle figure (foto's, sketse, tabelle en kaarte) moet agtereenvolgens genommer word (bv. **Figuur 5**: Fonttipe en grootte: Times New Roman, 11pt) en byskrifte moet die oorsprong aandui (fotograaf; kunstenaar; bewaarplek; bron en datum).

#### Voorbeeld

**Figuur 5:** Maynie Fleck op 'n gevorderde ouderdom besig om op haar spinwiel te spin. (Bron: VAB, Bloemfontein: VA4434)

- **Aanhalings** word nie kursief gedruk nie, ook nie as hulle in ander tale is nie. Aanhalings drie reëls en korter, kom in aanhalingstekens binne die teks. Aanhalings wat langer as drie reëls is, word aan die linkerkant ingekeep en het nie aanhalingstekens nie. Enige invoegsel binne 'n aanhaling staan tussen blokhakies.
- **Afkortings** moet sover moontlik vermy word.
- Artikels geskryf in die eerste persoon moet vermy word.

---

## **RIGLYNE MET BETREKKING TOT VERWYSINGS EN VOETNOTE**

Alle bronneverwysings in die teks moet van voetnote vergesel wees. Indien onseker, volg die verwysingstegniek in die jongste weergawe van die Tydskrif. Voetnote moet opeenvolgend genommer word met Arabiese syfers en aan die onderkant van elke bladsy geplaas word. Dit is verkieslik om die taal van die bron in die verwysing te gebruik. Die gebruik van die afkortings *ibid*; *op.cit* en *cf* word nie in die voetnote toegelaat nie.

### **'n Artikel in 'n tydskrif, koerant of Argiefjaarboek vir Suid-Afrikaanse Geskiedenis**

Voorsien die outeur se voorletters en van, die titel van die artikel gevolg deur 'n komma, die hoof-titel van die tydskrif of koerant in kursief gedruk, die volume nommer in Arabiese syfers (sonder die woord "vol"), die nommer van die uitgawe tussen hakies in Arabiese syfers, die jaar, maand en dag van die uitgawe en die bladsynommer(s).

#### Voorbeeld

- LE Hudson & RH Jackson, Mormon pilgrimage and tourism, *Annals of Tourism Research* 19(1), 1992, p 1081.
- Anonymous (of naam van joernalis), Minister leef nie in vrees, maar is 'n man met 'n plan vir 'n veiliger SA, *Rapport*, 2014-08-03, p 4.
- J Ploeger, Onderwys en onderwysbeleid in die Suid-Afrikaanse Republiek (1881–1900), *Argiefjaarboek vir die Suid-Afrikaanse Geskiedenis* 15(1) (Kaapstad, 1952), p 186.

#### Verkorte verwysings

- LE Hudson & RH Jackson, Mormon pilgrimage..., *Annals of Tourism Research* 19(1), 1992, p 1081.
- Anonymous (of naam van joernalis), Minister leef nie in vrees..., *Rapport*, 2014-08-03, p 4.

### **Boek**

Voorsien die outeur se voorletters en van, die titel van die boek in kursief gedruk, die volumenummer (indien van toepassing) in Romeinse syfers (sonder die woord "vol"), dan die plek en jaar van publikasie tussen hakies, geskei deur kommas, en die bladsynommers.

#### Voorbeeld

- LJ Lickorish & AG Kershaw, *The travel trade* (London, 1958), p 18.
- JA Böeseke (red), *Resolusies van die Politieke Raad I* (Kaapstad, 1957), p 218.
- JE Young (ed), *The art of memory: Holocaust memorials in history* (New York, 1994), p 9.

#### Verkorte verwysings

- JA Böeseke (red), *Resolusies...*, p 223.
- JE Young (ed), *The art of memory...*, p 11.

### **'n Hoofstuk in 'n boek**

Voorsien die outeur van die hoofstuk se voorletters en van, asook die titel van die hoofstuk gevolg deur 'n komma, dan volg "in" in kursief gedruk, die outeur of redakteur(s) se voorletters en van gevolg deur 'n komma, daarna die titel van die boek in kursief gedruk en dan, tussen hakies, die plek en jaar van publikasie, daarna 'n komma, en die bladsynommer.

#### Voorbeeld

- JC Pretorius, Die tuisnywerheid van die Afrikaner, in PG Nel (red), *Die kultuurontplooiing van die Afrikaner* (Pretoria, 1979), p 10.
- G Hall & C Birchall, New cultural studies: Adventures in theory (Some comments, clarifications, explanations, observations, recommendations, remarks, statements and suggestions), in G Hall & C Birchall (eds), *New cultural studies: Adventures in theory* (Edinburgh, 2006), pp 1-28, 34, 38-39.

#### Verkorte verwysing

- G Hall & C Birchall, New cultural studies..., in G Hall & C Birchall (eds), *New cultural studies...*, pp 40-42.

### **Ongepubliseerde nagraadse verhandeling, of proefskrif**

Voorsien die outeur se voorletters en van, die titel van die verhandeling/proefskrif in aanhalingstekens, gevolg deur die kwalifikasie en die universiteit in hakies, daarna die jaar waarin die graad verwerf is, gevolg deur 'n komma en laaste die bladsynommer(s).

Voorbeeld

- CM de Villiers, “Die ‘African National Congress’ en sy aktiwiteite aan die Witwatersrand (1912–1956)” (MA-verhandeling, Universiteit van Pretoria), 1965, pp 40-48.

Verkorte verwysing

- CM de Villiers, “Die ‘African National Congress’...”, pp 45-46.

**’n Ongepubliseerde referaat**

Voorsien die aanbieder se voorletters en van, die titel van die referaat, gevolg deur ’n punt. Voorsien dan die naam van die konferensie en die datum en plek waar dit aangebied is.

Voorbeeld

- ES van Eeden, Aspekte van die kultuurlewe in die Wesrand met fokus op die invloed van mynontwikkeling op kulturele aktiwiteite van gemeenskappe – ’n historiese perspektief met Carletonville as voorbeeld. Ongepubliseerde referaat, Streekskonferensie, Suid-Afrikaanse Kultuurhistoriese Vereniging, Springs, Maart 1997, p 5.

Verkorte verwysing

- ES van Eeden, Aspekte van die kultuurlewe in die Wesrand..., p 6.

**Regerings-/amptelike dokumente**Voorbeeld

- Republiek van Suid-Afrika (RSA), Departement van Landbou en Waterwese (DLW), Verslag 8-0-1, Droogtehuilpskema aan boere in die Oos-Kaap, 1972-03-10.

Verkorte verwysing

- RSA, DLW, Verslag 8-0-1, Droogtehuilpskema..., 1972-03-10.

**Argivale bronne**

In die eerste aanhaling word die naam van die argief ten volle aangedui, gevolg deur die woord “hierna” en die afkorting wat voortaan gebruik word. Dit word gevolg deur ’n dubbelpunt, die bron, reeks en ander besonderhede van die argivale rekord. In die geval van briefwisseling, word die naam van die persoon wat die brief geskryf het, deur ’n aandagstreep van die ontvanger geskei, gevolg deur die datum. In argivale verwysings kan die vindplek aangedui word in die taal waarin die artikel geskryf word, mits dit ook in dié taal sodanig bekend is.

Voorbeeld

- Nasionale Argiefbewaarplek van Suid-Afrika (hierna NASA), LA 9, 497: Brief GJT Beelaerts van Blokland – SJP Kruger, 1890-02-16.
- Kaapse Argiefbewaarplek, Kaapstad (hierna KAB), C500, ZK 1/169: Politieke Raad Uitgaande Brieven, 1896-05-12.

Slegs verkorte verwysing as die lêer titel omvattend is. Voorbeeld:

- Nasionale Argiefbewaarplek van Suid-Afrika (hierna NASA), TAB, A 1619: EH Bethell, The Blockhouse system in the South African War, Professional papers of the Royal Engineers, 1903, p 286.

Verkorte verwysing

- NASA, TAB, A 1619: EH Bethell, The Blockhouse system..., 1903, p 286.

**’n Onderhoud**

Voorsien die vindplek: Byvoorbeeld A van Vollenhoven persoonlike argief (AVV), die navorser se besonderhede gevolg deur die lêernommer, byvoorbeeld mondelinge onderhoude lêer 2 (MO2), die ondervraagde se voorletters en van, asook die plek en datum van die onderhoud.

Voorbeeld

- Onderhoud: A van Vollenhoven persoonlike argief (hierna AVVA), Mondelinge Argief lêer 2 (hierna MA2), Mnr TE Andrews, Navorser, Militêre Museum Fort Klapperkop, Pretoria, 1990-04-18. *OF*
- A van Vollenhoven, persoonlike versameling (hierna AVVP), Onderhoud: Mnr TE Andrews, Navorser, Militêre Museum Fort Klapperkop, Pretoria, 1990-04-18.

Verkorte verwysing

- Onderhoud: AVVA, MA2, Mnr TE Andrews..., 1990-04-18. *OF*
- AVVP, Onderhoud: Mnr TE Andrews..., 1990-04-18.

---

**E-posgesprek**Voorbeeld

- C Hlongwane versameling (CHV), E-poswisseling met G Groenewald (Universiteit van Johannesburg) deur C Hlongwane (Noordwes-Universiteit), 2014-07-12.

Verkorte verwysing

- CHV, E-poswisseling: G Groenewald (UJ)/C Hlongwane (NWU), 2014-07-12.

**Die Internet**

Voorsien alle moontlike besonderhede, soos die outeur, 'n beskrywing, die URL (geaktiveer/onderstreep) en die datum van die besoek aan die webblad.

Voorbeeld

- J Oosthoek, Environmental history: A transatlantic perspective, conclusion, podcast interview with Donald Worster, podcast 22, 2009-05-26, <http://www.eh-resources.org/podcast/podcast2009.html>, besoek 2010-05-07.

Verkorting (slegs titel van artikel of berig, nie dié van die webtuiste nie).

Voorbeeld

- J Oosthoek, Environmental history..., 2009-05-26, besoek 2010-05-07.